

全立杜賣盡根田契字人林輝林恣侄平和等有承父遺下水田壹段坐落大哮山脚卅五張洋第捌份南節經丈壹甲貳分叁厘正分作南北兩段抽南畔壹段陸分壹厘伍絲東至簡家田界西至林家田界南至大溝爲界北至本段田界四至界址明白年配納李光國大租粟肆石玖斗柒升伍合正帶新圳水頭鬮壹分式厘半四鬮壹分捌厘柒絲半又帶舊圳水照庄例通流灌溉充足前年父親典過族親浸潤價銀貳佰伍拾員歷掌無異今因乏銀費用願將此田出杜先盡問房親人等各不欲承受外託中引就與原典主派下林倚沙林倚炉兄弟各自分買茲林倚炉兄弟出首承買南畔壹段全日三面言議時值盡根價銀叁拾叁員秤重式拾叁兩壹錢連前典銀均分合共銀壹佰伍拾捌員秤重壹佰壹拾兩零陸錢正即日全中交收足訖其田隨即踏明界址原付銀主掌管招佃耕作收租納課永爲己業輝等自此一賣干休割籐永斷日后與及子孫永不敢言及添贖找洗異言生端滋事保此田係輝等承父物業與別房人等無干亦無重張典掛他人財物及上手來歷交加不明等情如有此情輝等出首一力抵當不干銀主之事此係二比甘愿各無反悔口恐無憑全立杜賣契壹紙併帶上手印契連司單壹紙典契壹紙找洗壹紙借字壹紙共伍紙付執爲炤

即日全中收過杜賣契內銀叁拾叁員連典價銀壹佰伍拾捌員秤重壹佰壹拾兩零陸錢正完足再炤

代筆人族叔 秉經(忠) □
爲中人族叔 瓦郎(正)
在場知見人母親 許氏(花押)

光緒十五年己丑拾貳月 日

全立杜賣盡根田契字人 林輝(花押)

林恣(心)

侄 平和(花押)

批明上手鬮書買契典契帶在北畔節倚沙執掌批炤

